



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi  
(dum vixit) apud Erphordiam Turingiæ, Catechismus  
Catholicus, summam Christianæ institutionis III. libris  
succinctim complectens**

**Klinge, Konrad**

**Coloniae, 1570**

**VD16 K 1309**

De approbato per Ecclesiam Dei verbo. tit. 177

**urn:nbn:de:hbz:466:1-29452**

conditionis, erga Ecclesiam Catholicam & magistratum, per debitam obedientiam rectè & iustè gerere debent erga æquales & inferiores, vt quæcumque vis tibi fieri, ea quoque alijs facias, Matth. 7. sic omnia in nobis fiant ordinè & honestè, 1. Cor. 14.

Ideò statuta ecclesiæ quoquè exigi & doceri debent, atque cæremoniæ. Sic iubet Paulus obseruare traditiones, 2. Thess. 2. & Act. 16. vt ordo conseruetur: sic docentur exempla, & vitæ sanctorum ad nostram imitationem, sicut non verentur facere Euangelistæ, describentes totam vitam Ioannis Baptistæ, Luc. 1. Matth. 3. Marc. 6. vbi natiuitas, cibus, potus, vestitus, prædicatio, occisio notantur. Ergo & illa licet possunt doceri exempli gratia, ad componendam vitam nostram.

Quartò, Hæretica igitur licentia quæ omnia contemnerat, abijcit & prohibito suo statuit, non approbatur ab Ecclesia. Et multa sunt recipienda & docenda in Ecclesia, licet non sunt literaliter scripta. Non enim omnia scripta sunt, vt inquit Euangelista Ioannes ca. vltimo. Nā & totus mundus nō posset capere libros, Ideò ordo vitæ bonæ & cultus diuinarum traditionum, non sunt reiicienda. Semper hæretici obiecerunt, Hoc non est scriptū: Ergo non seruandū, sic Arriani fecerunt, dicentes, non habetur in Biblijs homouision, ergo non credendum &c. Sat nobis est traditio Patrum & Ecclesiæ in ijs qui vitam & bonos mores respiciunt.

DE APPROBATO PER ECCLESIAM DEI VERBO.

TITVLVS CLXXVII.



PRIMò notandum, quod verbum Dei nō indiget nostra seu Ecclesiæ approbatione. Est enim deus verax, & omnis homo mendax, Romanor. 3. Attamen quia deprauato.



prauatores scripturæ & prophetæ falsi, & antichri-  
 stiani plures sunt in mundo, 1. Ioan. 2. Ideo opus est  
 testimonio veteris Ecclesiæ & patrum, vt caueamus  
 adulteratores scripturæ, id est, hereticos & sectas. Nā  
 omnis hæreticus putat suum intellectum, & exposi-  
 tionem scripturæ esse puram & veram, sicut Euange-  
 lium, & omnes cæteros cæcutire, non obstante, quòd  
 sectæ inter se dissident, & à tota Ecclesia Catholica  
 recedunt, sicut dicit Augustinus super Ioan. caput 8.  
 Omnis hæreticus prædicat Christum & cæt. qualem  
 sibi fingit, vt Arrius, Manichæus, Sabellius, & sic ad  
 suum intentum trahunt scripturam.

Secundò, omnes Catholici in baptismo accepta-  
 runt Euangelium semel. Roman. 6. quotquot bap-  
 tizati estis, Christum induistis. Et in vnum corpus ba-  
 ptizati sumus, 1. Corin. 12. Ad vnam fidem, baptisma,  
 Christum, Deum, Ephc. 4. In hoc baptismo omnibus  
 nobis per fidem distributa est iustificatio, facti sumus  
 vnicem membra. Hanc vnitatem seruare debemus  
 vsque ad finem vitæ, & manere Catholici, id est, vna-  
 nimitè communes Christiani. Ibi semel suscepimus  
 verbum Dei, & votum fecimus Deo, & non est aliud  
 verbum DE I præter hoc vnicum Euangelium, Ad  
 Gal. 1.

Tertiò, quoniam Christus & Apostoli, atque scri-  
 ptura nobis prædicunt, quòd futuri sunt falsi prophe-  
 tæ, Mat. 24. Surgent pseudoprophetæ. Et Act. 20. Post  
 me venient lupi rapaces, &c. ideo non debemus sta-  
 tum declinare à Catholico & semel suscepto verbo,  
 & eius declaratione, sed perseuerare in semel susce-  
 pto verbo in baptismo, donec per Ecclesiam & Con-  
 cilium fuerit aliter conclusum, sicut fecerunt primi  
 Christiani, vsq; ad conclusionē & decretum quæstio-  
 nis de legalibus per Concilium Hierosolymitanum,  
 Act. 15. Et sic cōscientia erit securior, quā approbatum  
 habet verbum per ecclesiam: si quis autem adhæserit  
 sectæ



sectæ & illius interpretationi, ille habet contra se. tam Ecclesiam Catholicam, neq; certus est, quia quod credit & docet, non approbatur per Ecclesiam, que habet mandatum vt probeat spiritus, 1. Ioan. 4.

Quartò, Nec curanda est illorum glossa, aut quòd aliter loquuntur de sacramentis & cæremonijs. Alia enim ex proprijs statuunt. Hæc omnia non sunt approbata per Ecclesiam, idèo incerta sunt. Ceterò ergo pro incerto acceptandù est. Interim ergo scriptura ab Ecclesia Catholica querèda est, non à priuatis sectis.

Quintò inquires: Ipsi putant se veram habere fidem, Euangelium, sacramenta, &c. Resp. Hoc omnes secte putarunt ab initio, & sic faciunt Iudæi, Gentes, heretici. Sed non ideo verum est verbum, quod proficiant pro Euangelio. Discernendù ergo est verbum approbatum per Ecclesiam, à verbo sectariorum nõ approbato, sed potiùs condemnato.

### DE VINCTURA SEU LIGAM.

*ne Ecclesia, id est, excommunicatione.*

#### TITVLVS CLXXVIII



Primò, Christus caput Ecclesiæ suæ Catholicæ, sic ei puidit, qd dedit illi duas clauas: Primò, clauem consolationis, denunciandi Euangelium, & sacramentorum administrationem, 1. Cor. 4. Sic nos existimet homo, &c. illo aperit cælum peccatori pœnitenti, & cessanti peccare, & dicitur potestas ordinis. Secundò dedit quoq; clauem excommunicationis, quo claudit cælum impœnitenti, & in publicis peccatis pergenti, aut fidem falsificanti per hæresim, de quo Christus Mat. 18. Qui Ecclesiam non audierit, sit tibi tanquàm ethnicus & publicanus, 1. Corint. 6. Cum huiusmodi nec cibum sumite. & 1. Ioann. 2. nec aue dixeritis &c. Ob id excommunicatio dicitur ligamen Ecclesiæ, quo transgressores ligantur.

Secun.